



Broj: 01-04-2013/25-AP-7
Datum: 10.10.2025. godine

ZAPISNIK (IZVOD)

Sa 10. sjednice Gradskog vijeća Zavidovići koja je održana, dana 30.09.2025. godine (utorak) sa početkom u 15:00 sati u Velikoj sali zgrade gradskih organa Grada Zavidovići.

Sjednici Gradskog vijeća prisustvovalo je 29 vijećnika: Avdičević Zahid, Avdičević Amer, Bašić Mirela, Buljubašić Demir, Ćosić Omer, Dendić Sanela, Delić Elvira, Džindo Asim, Fejzić Rijad, Hadžić Amira, Huskić Elvedin, Huskić Hasib, Ikanović Dževad, Javrić Bajro, Karajbić Anes, Pašić Indira, Sanel Jalmanović, Ajdin Polić, Sinanović Asim, Sinanović Azra, Skejić Šemsudin, Šimšić Igor, Tursić Amir, Indira Halilčević, u 15:58 sati sjednici se pridružio Admir Fojnica, Semir Šehić, Haris Hodžić, Amir Mehić sjednici se pridružio u 18:00 sati, Amra Jupić sjednici se pridružila u 15:34 sati.

Ostali prisutni: Erna Merdić Smailhodžić – Gradonačelnica Grada Zavidovići, Sekretar Gradskog vijeća - Samira Pinjić, Sekretar gradskog organa državne službe - Nermin Čahtarević, Midhat Bajramović - Pomoćnik gradonačelnika Službe za upravu finansija, budžet i trezor, Jasmin Mahmutović - Pomoćnik Gradonačelnika Službe za upravu poljoprivrede, vodoprivrede i komunalnih poslova, Remzo Sinanović - Pomoćnik gradonačelnice Službe za upravu geodetskih, imovinskopravnih poslova i urbanizma, Nermin Džaferović - Šef odsjeka Službe za upravu geodetskih, imovinskopravnih poslova i urbanizma, Džeraldina Miličević - Pomoćnica gradonačelnice Službe za upravu privrede, lokalni razvoj, infrastrukturu i međunarodnu saradnju, Amira Tadić - Šef odsjeka Službe za upravu finansija, budžet i trezor, Maja Radmanović - predstavnik firme Urbis Banja Luka.

Zapisnik i ostale administrativno tehničke poslove obavljao - Dženan Ćatić - lice na stručnom osposobljavanju u službama za upravu i posebnim službama Grada Zavidovići.

Poslove videosnimanja i livestreama vršio državni službenik Irnes Avdić - Stručni saradnik za informatiku, poslove administratora i računarske mreže, Stručna služba gradonačelnika.

Ispred sredstava informisanja sjednici prisustvovali: Željko Šlipogor - „Radio 1503 Zavidovići“ d.o.o. Zavidovići.

Na osnovu člana 81. Poslovnika o radu Gradskog vijeća Zavidovići, predsjedavajuća Gradskog vijeća predložila je verifikaciju Zapisnika (Izvod) sa 9. sjednice Gradskog vijeća održane dana 25. i 29.07.2025. godine.

Nakon provedenog glasanja predsjedavajuća konstatuje da je Zapisnik sa 9. sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Zapisnik (Izvod) sa 9. sjednice Gradskog vijeća Zavidovići, održane dana 25. i 29.07.2025. godine, bez primjedbi.

2. Zaključak stupa na snagu odmah.

Na osnovu člana 81. Poslovnika o radu Gradskog vijeća Zavidovići, predsjedavajuća Gradskog vijeća predložila je verifikaciju Zapisnika (Izvod) sa 1. Vanredne sjednice Gradskog vijeća održane dana 01.08.2025. godine.

Nakon provedenog glasanja predsjedavajuća konstatuje da je Zapisnik sa 1. Vanredne sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Zapisnik (Izvod) sa 1. Vanredne sjednice Gradskog vijeća Zavidovići, održane dana 01.08.2025. godine, bez primjedbi.

2. Zaključak stupa na snagu odmah.

Na osnovu člana 61. Poslovnika o radu Gradskog vijeća Zavidovići, predsjedavajuća Gradskog vijeća, predlože dnevni red 10. sjednice Gradskog vijeća, kao slijedi:

Dnevni red:

1. Vijećnička pitanja, inicijative i odgovori.

a) Inicijativa vijećnika Dževada Ikanovića za donošenje zaključaka vezanih za provođenje aktivnosti deminiranja na području Grada Zavidovići.

b) Inicijativa vijećnice Sanele Dendić za hitno uspostavljanje odvoza komunalnog otpada na lokaciji odmarališta – stadiona Ridžali – Džebe.

c) Inicijativa vijećnice Amire Hadžić za proglašenje 5. Augusta Danom zavidovićke dijaspore.

d) Inicijativa vijećnika Asima Džinde za planiranje budžetskog transfera u 2026. godini s ciljem omogućavanja besplatne članarine u JU „Gradska biblioteka“ Zavidovići za penzionere i studente.

e) Inicijativa vijećnika Amira Tursića za izradu projektne dokumentacije za nastavak uređenja ulice „Voćarski put“, koje bi podrazumjevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

f) Inicijativa vijećnika Amira Tursića za izradu projektne dokumentacije za uređenje ulice „Gazije“, koje bi podrazumjevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

g) Inicijativa vijećnika Sanela Jalmanovića za Asfaltiranje ulice „Maršala Tita“ u Zavidovićima, u dužini od oko 200 metara, na potezu od Socijalnog prema željezničkoj stanici.

2. Izvještaj o izvršenju Budžeta Grada Zavidovići za period 01.01. – 30.06.2025. godine – II kvartal sa Izvještajem o utrošku tekuće budžetske rezerve.

(**izvjestilac:** Midhat Bajramović, pomoćnik gradonačelnika Službe za upravu finansija, budžet i trezor)

3. Nacrt Odluke o usvajanju Regulacionog plana „Kamenica“ Zavidovići.

4. Nacrt Odluke o provođenju Regulacionog plana „Kamenica“ Zavidovići.

5. Prijedlog Odluke o izmjenama i dopunama Odluke o pristupanju izradi Urbanističkog plana Grada Zavidovići.

6. Prijedlog Odluke o utvrđivanju javnog interesa za izgradnju novog cestovnog mosta na lokaciji starog čeličnog visećeg mosta u naselju „Stog“, preko rijeke Krivaje označen sa k.č. 1377 k.o. Hrge i k.č. 1865/1 k.o. Miljevići, na području MZ „Vozuća“.

(**izvjestilac po tačkama od 3. do 6.:** Remzo Sinanović, pomoćnik gradonačelnika Službe za upravu geodetskih, imovinsko-pravnih poslova i urbanizma)

7. Prijedlog Odluke o izmjenama Odluke o priznanjima općine Zavidovići.
(**izvjestilac:** Samira Pinjić, sekretar Gradskog vijeća)
8. Prijedlog Odluke o prestanku mandata i dodjeli mandata slijedećem kvalifikovanom kandidatu za člana Savjeta mjesne zajednice „Klek“.
(**izvjestilac:** Jasmin Mahmutović, pomoćnik gradonačelnika Službe za upravu društvenih djelatnosti, pitanja boraca i opću upravu)
9. Izvještaj o radu i finansijskom poslovanju lokalne Razvojne agencije RAZ d.o.o. Zavidovići i Nadzornog odbora RAZ d.o.o. Zavidovići za 2024. godinu.
(**izvjestioci:** Džeraldina Miličević, pomoćnik gradonačelnika Službe za upravu privrede, lokalni razvoj, infrastrukturu i međunarodnu saradnju, Ajdin Polić, direktor RAZ d.o.o. Zavidovići i Ajla Hadžić, predsjednik Nadzornog odbora RAZ d.o.o. Zavidovići)
10. Izvještaj o realizaciji Programa rada Gradskog vijeća Zavidovići za period 01.01. – 30.06.2025. godine.
(**izvjestilac:** Samira Pinjić, sekretar Gradskog vijeća)
11. Izvještaj o radu komisija Gradskog vijeća Zavidovići za period 01.01. – 30.06.2025. godine.
(**izvjestioci:** Samira Pinjić, sekretar Gradskog vijeća i predsjednici Komisija Gradskog vijeća Zavidovići)
12. Prijedlog Rješenja za imenovanje predsjednika i članova Komisije za organizaciju i provođenje izbora za članove Savjeta mjesne zajednice.
13. Prijedlog Rješenja o razrješenju člana Komisije za Statut i propise.
14. Prijedlog Rješenja o imenovanju člana Komisije za Statut i propise.
(**izvjestilac po tačkama od 12. – 14.:** Admir Fojnica, predsjednik Komisije za izbor i imenovanja)

Vijećnik Asim Džindo je u predviđenom roku dostavio Prijedlog promjene predloženog dnevnog reda 10. sjednice Gradskog vijeća Zavidovići. Predloženo je da se u dnevni red uvrsti tačka Razmatranje inicijative Privrednog društva „Unipromex“ d.o.o. Zavidovići za izmjenu Odluke o bezbjednosti saobraćaja na području Grada Zavidovići.

Predsjedavajuća daje dopunu dnevnog reda na glasanje tako da predložena tačka postaje tačka 2., a sve ostale tačke se pomjeraju za jedno mjesto.

Nakon provedenog glasanja predsjedavajuća konstatuje da je dopuna dnevnog reda 10. sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Predsjedavajuća daje dopunjeni dnevni red 10. sjednice Gradskog vijeća Zavidovići na glasanje.

Nakon provedenog glasanja predsjedavajuća konstatuje da je dopunjeni dnevni red 10. sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja predloženi dnevni red 10. sjednice Gradskog vijeća Zavidovići, s tim da se iza tačke 1. dodaje nova tačke koje glase:
2. Inicijativa Privrednog društva „Unipromex“ d.o.o. Zavidovići za izmjenu Odluke o bezbjednosti saobraćaja na području Grada Zavidovići.“, a tačke od 2. do 14. predloženog dnevnog reda postaju tačke od 3. do 15.

2. Zaključak stupa na snagu odmah i čini sastavni dio dokumentacije Gradskog vijeća.

Rad po dnevnom redu

Ad.1 Vijećnička pitanja, inicijative i odgovori.

Amir Tursić

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosimo Inicijativu za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate.

Obrazloženje

Odlukom o komunalnim taksama Općine Zavidovići („Službeni glasnik općine Zavidovići”, broj: 9/17, 4/18 i 9/18), određeno je da se na području Općine, tj. Grada Zavidovići, propisuju i naplaćuju četiri vrste komunalne takse, i to za:

1. Svaku istaknutu firmu i za korištenje uređaja za pružanje usluga mobilne telefonije,
2. Držanje žive muzike u ugostiteljskim objektima,
3. Za obavljanje djelatnosti kockanja i kladenja,
4. Korištenje uređaja za pružanje usluga mobilne telefonije.

U poređenju sa odlukama kojima općine i gradovi u okruženju regulišu ovu materiju, ali i u ranije važećom Odlukom o komunalnim taksama Općine Zavidovići („Službeni glasnik općine Zavidovići”, broj: 1/15 i 1/17), zaključuje se da je moguće propisati znatno više osnova za naplatu komunalne takse, pa tako npr. i za:

- korištenje aparata za posebne igre na sreću,
- poslovni prostor u kojem se priređuju klasične igre na sreću i posebne igre na sreću,
- priređivanje zabavnih igara,
- korištenje elektroenergetskih objekata kojima se vrši prenos električne energije,
- korištenje podzemnih i nadzemnih instalacija, korištenje lokalnih cesta i javnih površina itd.

Riječ je o prihodima od taksi koje druge jedinice lokalne samouprave, a naš Grad se istih lahko odrekao godinama unazad.

Ako je i bilo određenih manjkavosti u staroj Odluci o komunalnim taksama i pravne nesigurnosti, tj. bojazni od sudskih sporova, pa su možda iz tog razloga važećom Odlukom usko definisani osnovi za naplatu komunalne takse, nedavnom presudom Vrhovnog suda Federacije Bosne i Hercegovine u korist Grada Bihaća, u sporu vezanom za Odluke o komunalnim taksama Grada Bihaća, pokazane su određene smjernice u kojem pravcu, kao jedinica lokalne samouprave, možemo djelovati po pitanju definisanja komunalnih taksi.

Stoga predlažemo, da se pristupi izmjeni postojeće ili izradi nove Odluke o komunalnim taksama (u zavisnosti od obima izmjena u konačnici), po uzoru na spomenutu Odluku Grada Bihaća, ali i po uzoru na druge jedinice lokalne samouprave u okruženju koje slijede taj primjer i pokrenule su postupak uvođenja takse za posebne igre na sreću i zabavne igre, po zonama naplate.

Predlažemo uvođenje nove tarife koja tretira poslovni prostor u kojem se priređuju klasične igre na sreću i posebne igre na sreću. Odluka treba da se odnosi na sve priređivače igara na sreću, uključujući i slot aparate, klasične i elektronske igre na sreću, te poslovne prostore u kojima su isti izloženi za upotrebu, tj. u kojima se njima posluje.

Predlažemo da se Odlukom o komunalnim taksama dodatno uredi:

1. Uvođenje obaveze registracije i označavanja aparata koji se koriste za navedene svrhe na području Grada Zavidovići;
2. Uspostava diferencirane naknade, koja bi se temeljila na:

- lokaciji objekta (uvođenje zona);
- vrsti uređaja (zabavne igre bez dobitka ili posebne igre na sreću s mogućnošću dobitka);
- broju instaliranih uređaja po objektu.

3. Pojačanu inspekcijsku kontrolu kako bi se obezbijedilo da se navedeni aparati koriste isključivo u skladu sa zakonima i propisima, te izvršavale sve obaveze prema Gradu Zavidovići.

Uvođenjem ovakvih mjera, omogućila bi se veća kontrola nad širenjem djelatnosti koje imaju negativan društveni uticaj, zaštita javnog interesa, povećanje budžetskih prihoda i usmjeravanje istih u društveno korisne sadržaje i aktivnosti.

Asim Džindo

PREDMET: Vijećničko pitanje

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Tražim od nadležnih gradskih službi da nam dostave informaciju ko je nadležan za održavanje javnog gradskog WC-a ispod mosta na području našeg grada. Konkretno, da li se održavanje vodi pod nadležnošću JKP "Radnik" ili druge gradske službe, te iz kog razloga je objekat u proteklom periodu prepušten sam sebi, iako su uložena značajna sredstva za njegovo renoviranje i adaptaciju.

Od nadležnih zahtijevam jasne odgovore u pisanoj formi, zajedno sa informacijom o lanovima daljnjeg održavanja i funkcionisanja ovog objekta.

Vijećničko pitanje upućuje se nadležnim gradskim službama.

Asim Džindo

PREDMET: Vijećnička inicijativa (1)

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići, podnosim Inicijativu za sufinansiranje studentskog prijevoza na relacijama koje povezuju Grad Zavidovići sa univerzitetskim centrima u BiH

Obrazloženje:

Veliki broj mladih ljudi sa područja Grada Zavidovići studira u Sarajevu, Zenici, Tuzli, Mostaru i drugim univerzitetskim centrima širom Bosne i Hercegovine. Sa početkom nove akademske godine, većina njih će veći dio vremena provoditi van Zavidovića, a troškovi prijevoza predstavljaju značajan teret za njih i njihove porodice.

Upravo vikendom, kada studenti dolaze kući, osjeti se da u gradu nedostaje mladih, što stvara osjećaj praznine u lokalnoj zajednici. Subvencioniranjem studentskog prijevoza, Grad bi im omogućio da češće dolaze kući, da održavaju vezu sa svojim porodicama i zajednicom, te da se poveća prisutnost mladih u gradu tokom vikenda i praznika.

S obzirom da se radi o našim sugrađanima i budućnosti naše lokalne zajednice, Grad Zavidovići ima moralnu i društvenu obavezu da im olakša položaj i podrži ih tokom perioda studiranja.

Subvencija troškova prijevoza bila bi direktna pomoć studentima i njihovim porodicama, a istovremeno i ulaganje u jačanje povezanosti mladih sa rodnim gradom.

Prijedlog:

- Da Gradsko vijeće Zavidovići usvoji inicijativu i obaveže nadležnu službu da, u saradnji sa prijevoznicima, definiše model subvencioniranja studentskog prijevoza na relacijama koje povezuju Grad Zavidovići sa univerzitetskim centrima u BiH.
- Da visina subvencije iznosi 30% od cijene studentske karte.

- Da se sredstva za subvencioniranje studentskog prijevoza planiraju u budžetu Grada Zavidovići za 2026. godinu, a da realizacija subvencioniranja započne od ljetnog semestra akademske 2025/2026. godine.

Asim Džindo

PREDMET: Vijećnička inicijativa (2)

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativu za asfaltiranje dionice puta u MZ Dubravica (od autobusne stanice prema igralištima i stadionu).

Poštovani, U cilju unapređenja uslova života građana MZ Dubravica i osiguranja bolje infrastrukture za sve stanovnike, podnosim sljedeću inicijativu:

Predmet inicijative: Inicijativa za asfaltiranje pristupnog puta prema igralištima i stadionu u MZ Dubravica (od autobusne okretnice).

Obrazloženje:

Na navedenoj lokaciji postoji asfaltirana dionica puta do mjesta gdje se autobus okreće, ali dio puta prema igralištima i stadionu ostao je neasfaltiran. Ova dionica koristi se svakodnevno. posebno od strane velikog broja mještana koji tu žive, djece i mladih koji koriste sportske terene.

Nedostatak asfalta otežava kretanje, posebno u zimskim i kišnim uslovima, ugrožava sigurnost učesnika u saobraćaju, a istovremeno umanjuje kvalitet života građana ove mjesne zajednice.

Prijedlog mjera:

- Planirati i realizovati izvođenje radova u proljeće 2026. godine, u skladu sa vremenskim uslovima i planom javnih nabavki.
- U saradnji sa MZ Dubravica izvršiti preciznu procjenu potrebnih sredstava i obima radova.

Elvira Delić

PREDMET: Vijećnička inicijativa

Inicijativa za donošenjem Odluke o izgradnji i izgradnja elemenata saobraćajnice (trotoara), dijela ulice 8. marta - pristupnog puta objektima II osnovne škole, Gradske sportske dvorane i objekata kolektivnog stanovanja, dostavlja se

Poštovani, Na osnovu člana 109. Poslovnika o radu Gradskog vijeća Zavidovići, Klub vijećnika Socijaldemokratske partije BiH u Gradskom vijeću Zavidovići podnosi

INICIJATIVU za donošenjem Odluke o izgradnji i izgradnja elemenata saobraćajnice (trotoara), dijela ulice 8.marta — pristupnog puta objektima II osnovne škole, Gradske sportske dvorane i objekata kolektivnog stanovanja.

U skladu sa stavom 4. pomenutog člana ovu Inicijativu dostavljamo u pisanoj formi sa OBRAZLOŽENJEM kako slijedi:

U blizoj prošlosti, na pomenutom lokalitetu, na ulici koja je predmet ove inicijative vršena je rekonstrukcija elemenata saobraćajnice (trotoara) i to na način da je trotoar rekonstruisan sa jedne strane saobraćajnice, desne, u necjelokupnoj dužini prostiranja, sa prekidom podloge. Ova saobraćajnica sa druge strane nema uopšte urađen trotoar sa lijeve strane, direktnim pravcem prema objektu Škole i Sportske dvorane.

Predmet ove Inicijative je donošenje Odluke o izgradnji i izgradnja gore navedenih, nedostajućih elemenata saobraćajnice (trotoara), dijela ulice 8. marta - pristupnog puta objektima II osnovne škole, Gradske sportske dvorane i objekata kolektivnog stanovanja. Direktnije, iniciramo izgradnju trotoara sa lijeve strane saobraćajnice, kao i izgradnju trotoara sa desne strane u cjelokupnoj dužini prostiranja, spajanjem već rekonstruisanih dijelova, kako bi se obrazovala cjelokupna cjelina saobraćajnice.

Razloge za ovo naše postupanje i inicijaciju vidimo u zahtjevima naših građana, ali i činjenicama i stvarnom stanju u odvijanju saobraćaja duž ove ulice. Prevažodno imajući u vidu da najveći broj učesnika u saobraćaju čine djeca, učenici čija sigurnost i bezbjednost je izložena rizicima trenutnim stanjem. I vizuelni identitet bi bio poboljšan predloženim intervencijama.

Smatramo da je potrebno urgentno intervenisati kako bismo preduprijedili neželjene posljedice ali i unaprijedili saobraćaj i organizovali ga na način da obrazujemo jednu prohodnu funkcionalnu cjelinu.

Sredstva za realizaciju ove Inicijative nisu velika i mogu se obezbijediti iz tekućeg transfera Budžeta za

održavanje gradskih ulica u kome postoje dostatna sredstva za ovu namjenu.

Za realizaciju ove Inicijative zadužuje se Gradonačelnica sa nadležnom Gradskom službom.

Sanel Jalmanović

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosim Inicijativu za oslobađanje plaćanje naknade zakupa stambenog prostora za socijalno ugrožene građane.

Obrazloženje

U prethodnom vremenskom periodu vijećnici ovog gradskog vijeća donijeli su Odluku kojom se od obaveze plaćanja zakupa prostora u vlasništvu Grada Zavidovići oslobađaju pripadnici MUP-a Policijske Uprave Zavidovići koji su smješteni u tim prostorijama.

Stoga, smatrajući da zbog teškog ekonomskog stanja naših sugrađana koji su izloženi i onako teškim uvjetima života, i da i mi kao vlasnici prostora u kojima su oni smješteni pokažemo suosjećajnost te donesemo Odluku kojom im bar malo olakšavamo takvo stanje. Radi se o našim sugrađanima koji su smješteni u zgradama socijalnog stanovanja, u zgradi Samačka i u zgradi u Naselju Vučjak.

Nadam se da će ova inicijativa imati podršku kako gradskih službi tako i gradonačelnice jer jasno je da u ovoj inicijativi nema politikanstva, nego samo iskazivanje empatije svih nas prema najslabijim u društvu u kojem živimo, i da će na neki način omogućiti lakše uvjete života najranjivije kategorije stanovnika našeg društva.

Semir Šehić

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosim inicijativu za dopunu Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići („Službeni glasnik Grada Zavidovići, broj: 4/23), kojom bi uredilo da se ostvarivanje prava na naknadu za prisustvo i učešće u radu Vijeća, umanjuje srazmjerno njihovom odsustvu tokom održavanja sjednice.

Obrazloženje

Postojećom Odlukom o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići („Službeni glasnik Grada Zavidovići, broj: 4/23), u članu 6., propisano je:

„Član 6.

- (1) Vijećnicima pripada mjesečna naknada (pausal) u iznosu od 25% neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.
- (2) Vijećnicima pripada i naknada za prisustvo i učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.”

Predlažem da se postojeći član 6. Odluke o osnovama i načinu isplate naknada i drugih

primanja vijećnika i članova radnih tijela Gradskog vijeća Zavidovići, dopuni novim stavom (3), kojim bi bilo propisano da se naknada iz stava (2) istog člana, umanjuje srazmjerno odsustvu vijećnika tokom održavanja sjednice. Evidenciju o navedenim činjenicama vodila bi Stručna služba Gradskog vijeća, prilikom izjašnjavanja po tačkama dnevnog reda i drugim pitanjima na sjednici, a u slučaju da pojedini vijećnik ne pristustvuje barem polovini ili više od ukupnog broja izjašnjavanja na određenoj sjednici, istome ne bi pripadala nikakva naknada za prisustvo i učešće u radu Vijeća za tu sjednicu.

Elvedin Huskić

PREDMET: Vijećničko pitanje

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam slijedeće vijećničko pitanje: Kada i kako se planira okončati decenijska saga oko izgradnje mosta na rijeci Krivaja u Mjesnoj zajednici „Ribnica“ uništenog u poplavama iz 2014 godine?

OBRAZLOŽENJE

U mjesnoj zajednici Ribnica na rijeci Krivaja sve do poplava iz 2014 godine, postojao je viseći most koji je povezivao naseljeno mjesto Gornju Gosovicu sa naseljem Predražići i regionalnom cestom Zavidovići-Olovo.

Most je bio izgrađen isključivo vlastitim sredstvima mještana i osim prijelaza za pješake, mostom je moglo da se saobraća i sa putničkim motornim vozilima. Majskom poplavom od prije 11 godina most je u potpunosti uništen te su od tada i svi oni koji su ga svakodnevno koristili, prinuđeni da sve ove godine kilometrima i lošom makadamskom cestom pješače i voze se do Ribnice i regionalne ceste Zavidovići-Olovo. Nakon što u prvih 7 godina poslije poplava, nije bilo sluha ni od kog nivoa vlasti za njegovu ponovnu izgradnju, Savjet mjesne zajednice je prije 4 godine obezbijedio donatora iz prijateljskih Ujedinjenih Arapskih Emirata koji su obezbijedili glavninu sredstava za ponovnu izgradnju mosta, a Gradska uprava sa tadašnjim gradonačelnikom na čelu, se obavezala da će sa svoje strane obezbijediti ostali manji dio neophodnih sredstva za potpuno okončanje radova.

U tom periodu se ponovno uključuju i sami mještani i sa svoje strane obezbjeđuju 10.000KM koje uplaćuju tadašnjem izvođaču radova a sve u cilju što bržeg okončanja svih radova i puštanja mosta u upotrebu.

Nakon što je izvođač radova (po njegovoj verziji) izvršio radove u visini sredstava koja su mu uplaćena a radi se isključivo o sredstvima donatora i mještana a koja nisu bila dovoljna za završetak svih radova te posto Gradska uprava na čelu sa tadašnjim gradonačelnikom nije sa svoje strane uplatila ni jednu jedinu marku a koju je obećala i obavezala se potpisanim ugovorom sa donatorom, došlo je do prekida radova i most još uvijek i nakon više od 11 godina stoji nezavršen.

Azra Sinanović

PREDMET: Vijećničko pitanje (1)

Prije dvije godine Gradska uprava Zavidovići započela je postupak sa IDDEEA-om u vezi izdavanja uvjerenja o prebivalištu a koje bi radila Služba za društvene djelatnosti, pitanja boraca i opću upravu službenim putem čime bi građanima bilo olakšano ostvarivanje njihovih prava.

Moje pitanje je: Zašto do sada nije potpisan ugovor o tome, kao što su to učinile susjedne općine, uzimajući za činjenicu da je prethodna gradska vlast proceduru dovela sve do potpisivanja ugovora?

Azra Sinanović

PREDMET: Vijećničko pitanje (2)

U pripremi obilježavanja manifestacije Ljeto u gradu asfaltiran je plato - prostor ispred Kulturno sportskog centra Zavidovići.

Tražim odgovor: Koje privredno društvo je izvođač pomenutih radova, po kojoj cijeni i ko je ugovorio navedene radove? Da li je provedena tenderska procedura i koliko je firmi učestovalo na tenderu. Molim da mi se dostave informacije o ponuđenim cijenama svakog pojedinačnog ponuđača.

Također zahtijevam da mi se dostavi informacija ko je bio nadzorni organ kao i izvještaj nadzora o izvedenim radovima.

Šemsudin Skejić

PREDMET: Vijećnička inicijativa (1)

Na osnovu člana 8. i člana 109. Poslovnika o radu Gradskog vijeća (Službeni glasnik Grada Zavidovići broj 7/2022 i 1/2023) podnosim Vijećničku inicijativu za donošenje Odluke o izradi izvještaja o stanju bespravnog zauzimanja površina koji pripadaju obalnim i putnim pojasevima na području Grada Zavidovići.

Obrazloženje

Svjedoci smo učestalog bespravnog zauzimanja zemljišnih parcela obalnog pojasa uz rijeke Bosna, Krivaja, Gostović, kao i putnog pojasa uz magistralne, regionalne i lokalne puteve na području Grada.

Zbog toga tražim da se gradskim inspektorima izda nalog po osnovu kojeg će sačiniti izvještaj odnosno evidenciju o privremeno bespravno zauzetim zemljišnim parcelama, obalnim i putnim pojasevima. Neke od tih parcela su u vlasništvu Grada, neke su sastavni dio javnih puteva, neke su u vlasništvu JP Autoceste, neke su u vlasništvu JP Sliv rijeke Save. Zajedničko im je da su uzurpirane na način da se na njima odlaze čvrsti otpad. Neke od tih parcela služe za skladištenje građevinskog materijala. Na nekim su već izgrađeni ili se grade poslovni i pomoćni objekti, na nekima se obavljaju poslovne aktivnosti, neke se koriste kao parkinzi i ko zna šta još.

Vremenski period za izradu izvještaja je 6 mjeseci od izdavanja naloga, a najdalje 30.06.2026. godine.

Pojedinačno izvještaje dostaviti vlasnicima uzurpiranih zemljišnih parcela, Gradskom vijeću i Gradskom pravobranilaštvu, ali i bespravnim korisnicima pojedinačno.

-Razlozi za podnošenje inicijative:

- a) površine uz obale rijeka zauzimaju se na način da se nasipanjem krupnog otpada (kamen, zemlja) sužavaju Korita rijeka, a proširuje obalni pojas
- b) zauzimanje tuđeg zemljišta očigledan je prekršaj i mora biti sankcionisan
- c) proces uzurpacija mora biti zaustavljen dok još ima vremena

Za realizaciju ove inicijative nije potrebno obezbijediti novčana sredstva.

Šemsudin Skejić

PREDMET: Vijećnička inicijativa (2)

Na osnovu člana 8. i člana 109. Poslovnika o radu Gradskog vijeća (Službeni glasnik Grada Zavidovići broj 7/2022 i 1/2023) podnosim Vijećničku inicijativu za donošenje Odluke o nužnoj sanaciji zapuštenih zemljišnih parcela i zapuštenih objekata u centralnom dijelu Grada, Urbane zone 1, 2, 3, 4.

Obrazloženje

U središnjem dijelu Grada, Urbane zone 1, 2, 3 i 4 nalaze se brojne zapuštene zemljišne parcele kao i „zaboravljeni“ ruševni objekti. Sve to narušava izgled Grada i polako, ali sigurno postaje izvor zaraze. Zapuštene objekti potencijalna su mjesta okupljanja beskućnika,

ali i omladine jer takvih objekata ima i u blizini škola. Zapuštene zemljišne parcele vrlo često se koriste za skladištenje otpada.

Svi zapušteni objekti i zapuštene zemljišne parcele imaju značajne finansijske vrijednosti. Imaju i vlasnike, ali ipak ne služe nikakvoj svrsi. Za sada predstavljaju „ruglo” Grada i ništa više. Podsjećam sve vlasnike ovakvih objekata i parcela da je u toku izrada Urbanističkog plana Grada i da imaju jedinstvenu priliku podnijeti prijedloge za eventualne promjene namjene i prijedloge za izgradnju novih objekata na tim parcelama.

Danas navodim samo dva tipična primjera koji jasno ukazuju na opravdanost ovakve inicijative.

Primjer 1

- Lokacija: ul. Stjepana Radića br. 48
- Parcele: k.č. 626/1, 626/2, 626/3
- Većina pokazatelja upućuje da je objekat bar djelimično u vlasništvu Grada, zemljišne parcele su nedvojbeno u vlasništvu Grada
- Arhitektura, konstrukcija i vrijeme izgradnje objekta mogli bi biti dovoljan razlog da objekat bude po zaštiti
- U neposrednoj blizini objekta nalaze se školski objekti (dvije srednje i jedna osnovna škola), vjerski objekat, ugostiteljski objekat, kao i stambeni objekat.
- Zbog svega toga tražim da nadležne službe i nadležne inspekcije poduzmu neophodne radnje kako bi se opisani lokalitet uredio u najskorije vrijeme.

Primjer 2

Nekoliko lokacija u ulici Radnička, od autobuske stanice do raskrsnice kod tržnog centra Bingo.

Sada kada je uređenje lijeve obale rijeke Bosne pri samom kraju na vidjelo je izašlo ruglo koje nam nudi ulica Radnička. Vožnja autom kroz tu ulicu već je neugodna. Šetnja istom nezamisliva je. Molim nadležne službe i Gradonačelnicu da osmisle rješenje za opisani nered u ulici Radnička od ambulante „Nejra“ do T.C. Robot.

Ako se pitate da li su za ovu inicijativu potrebna finansijska sredstva, odgovor je svako mora čistiti svoje smeće.

Demir Buljubašić

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići obraćamo Vam se sa inicijativom da se oslobodi uzurpirana teritorija na lokaciji k.č 1700/1 do JU Gimnazija „Rizah Odžečkić”

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

Obrazloženje

Poštovani,

u skladu sa Regulacionim planom "Centar 2" iz januara 2008. godine, na lokalitetu koji obuhvata raskrsnicu ulica Rocandelle i Sarajevske ulice, a

u pravcu JU Gimnazija "Rizah Odžečkić", planirana je izgradnja saobraćajnice preko parcele sa proširenjem označene kao k.č. 1700/1 KO Zavidovići.

Međutim, do danas nije došlo do realizacije navedene saobraćajnice, a pomenuta parcela je vremenom uzurpirana od strane pojedinih mještana koji su nelegalno zauzeli zemljište, čime je onemogućeno njeno korištenje u skladu s planiranim urbanističkim rješenjem.

S obzirom na navedeno, **podnosim inicijativu za pokretanje postupka oslobađanja uzurpirane teritorije** na k.č. 1700/1, kako bi se stvorili preduslovi za realizaciju saobraćajnice predviđene regulacionim planom. Također, pr

edlažem da se

u međuvremenu razmotri mogućnost **uređenja privremene pješačke staze** na tom pravcu, či me bi

se omogućio lakši i sigurniji pristup JU Gimnaziji "Rizah Odžević", kao i okolnim obrazovnim ustanovama, uključujući i Mješovitu srednju školu koja se nalazi u neposrednoj blizini.

Napominjem da se

u terminima početka i završetka nastave stvara značajna saobraćajna gužva, koja dodatno otežava bezbjedan pristup školi, posebno za pješake. Uređenjem privremene pješačke komunikacije unaprijedila bi

se sigurnost učenika i ostalih građana, dok bi oslobađanje zemljišta omogućilo dalju plansku izgradnju u skladu sa važećim urbanističkim dokumentima.

Molim da nadležne službe u skladu sa svojim ovlaštenjima razmotre ovu inicijativu i preduzmu odgovarajuće korake.

Igor Šimšić

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, Klub vijećnika Socijaldemokratske partije BiH u Gradskom vijeću Zavidovići podnosi INICIJATIVU za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru grada.

U skladu sa stavom 4. pomenutog člana ovu Inicijativu dostavljamo u pisanoj formi sa OBRAZLOŽENJEM kako slijedi:

Od strane građana iskazana je potreba za identifikacijom, lociranjem i izradom oglasnih i informativnih mjesta na području grada i cijelom prostoru grada. Bilo da se radi o panoima, betonskim oglasnim prostorima, elektronskim panoima i sl.

Naime svjedoci smo da se obavještenja, informativni materijali, plakati, oglasi, posmrtnice... na području našeg grada postavljaju na mjestima koja nisu predviđena za tu namjenu i veoma često narušavaju izgled i čistoću cjelokupne infrastrukture. S druge strane, mnogi od građana su navikli na mjesta gdje mogu vidjeti informacije preko gore navedenih oglasnih i informativnih materijala.

Privatizacijom objekata, rekonstrukcijom, izmještanjem više neće biti moguće objavljivati ove materijale na tim mjestima. Stoga se slažem sa građanima da je neophodno u najkraćem mogućem roku identifikovati, locirati i izraditi oglasna i informativna mjesta koja će dati obavještenja građanima, ali isto tako svojim vizuelnim izgledom uljepšati sliku infrastrukture i grada uopšte.

Sredstva za realizaciju ove inicijative predviđena su Budžetom grada Zavidovići za 2025. godinu i mogu se koristiti iz budžetske stavke - Transfera za održavanje, sanaciju, rekonstrukciju i izgradnju ulica, platoa oko javnih objekata, spomenika, platoa oko objekata škola, stanova i trotoara.

Za realizaciju ove Inicijative zadužuje se Gradonačelnica sa nadležnim gradskim službama.

Haris Hodžić

PREDMET: Vijećnička inicijativa

Inicijativa za donošenje odluke o pokretanju aktivnosti na izradi projektne dokumentacije i sanaciju ceste na spoju ulica Nikole Tesle i Branilaca grada

Građani ovog dijela ulice zahtijevaju da se konačno započne sa aktivnostima na sanaciji ceste na spoju ulica Nikole Tesle i Branilaca grada.

Inicijativom se poduzimaju aktivnosti na izradi projektne dokumentacije kako bi se stvorili preduslovi o opravdanosti ove investicije, utvrdio javni interes, regulisali vlasnički odnosi i pokrenule aktivnosti na obezbjeđenju finansijskih sredstava za realizaciju odnosno asfaltiranje

navedene cestovne podloge.

Sredstva za realizaciju ove inicijative predvidjeti Budžetom Grada Zavidovići za 2025. i 2026. godinu.

Haris Hodžić

PREDMET: Vijećničko pitanje

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Ko je dao nalog za rekonstrukciju ulice Alije Izetbegovića?

Direktno pitanje:

Ko je u nadležnoj gradskoj službi dozvolio podizanje i freziranje dobro stojeće asfaltne podloge u ulici Alije Izetbegovića od raskrsnice na semaforima pa do kraja ulice?

Obrazloženje:

Veliki broj građana traži informaciju zašto nadležna gradska služba i gradonačelnica izvodi radove na jako dobrim dijelovima ulica, odnosno podiže asfaltnu podlogu koja je u jako dobrom stanju, na uštrb gradskih ulica koje zahtijevaju hitnu sanaciju i zamjenu asfaltne podloge.

Također, potrebno dostaviti informaciju zašto nadležna gradska služba i gradonačelnica rade sanaciju gradskih ulica mimo odobrenog plana rekonstrukcije kojeg je odobrilo Gradsko vijeće Zavidovići i u skladu sa kojim planom, ovlastima i odobrenjem poduzimaju radnje na sanaciji ulice Alije Izetbegovića?

Uz ovo pitanje dostaviti i stav nadležne službe o nužnosti, opravdanosti i potrebama sanacije ove ulice kao i informaciju kada je zadnji put rađena sanacija ovog dijela ulice.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

Zahid Avdičević

PREDMET: Vijećnička inicijativa

INICIJATIVA ZA IZGRADNJU PUTA PRNJAVOR – KLEK - MAHOJE

Izgradnja puta Prnjavor – Klek - Mahoje je od izuzetnog značaja za Grad Zavidovići jer se radi o području koje je tokom agresije na Bosni i Hercegovinu imalo ogroman strateški značaj u odbrani Grada Zavidovića.

Oslobođenjem planine Klek 10. juna 1992. godine spriječen je prodor agresorske vojske prema gradskom dijelu Zavidovića i time zaštićen od mogućeg okruženja i pada. Istovremeno, oslobađanjem Kleka stvoreni su uslovi za dalja oslobodilačka djelovanja i oslobađanje doline Gostovića čime je dodatno osigurana stabilnost i sigurnost stanovništva.

Imajući u vidu navedene činjenice, mjesne zajednice i boračke organizacije potpisnice ove inicijative, traže od nadležnih institucija pokretanje aktivnosti na izgradnji i modernizaciji puta Prnjavor – Klek - Mahoje.

Ovaj projekat nije samo infrastrukturno ulaganje nego i čin poštovanja historijskog značaja oslobađanja Kleka u opstanku grada Zavidovića.

Zahid Avdičević

PREDMET: Vijećničko pitanje

Pohvalio bih organizaciju neslužbenog dijela Svečane sjednice Gradskog vijeća Zavidovići. Međutim ne mogu da ne "... " čekao sam baš zadnji da se javim da ne pitam neke stvari, da sačekam da vidim da li će neko drugi od vijećnika postaviti kakvo pitanje. Po Poslovniku o radu Gradsko vijeće ima Redovne, Svečane, Tematske sjednice kojom predsjedavajući Predsjedavajući Gradskog vijeća, u njegovom odsustvu, njegov zamjenik ili koga Vijeće odredi. Imali smo tamo jedan čin gdje samom sjednicom nije predsjedavala

predsjedavajuća, i da vam budem iskren ovo je moja trinaesta svečana sjednica, smješteni smo u četvrti red, vjerujte mi da sam kao vijećnik bio iznenađen postupkom. Pitam ko je organizovao sjednicu Gradskog vijeća, gdje su vijećnici bili smješteni u četvrti red, eventualno peti. Da li su time povređeni članovi Poslovnika, član 27 i član 57. Naglašavam dakle ipak je to bila Svečana sjednica Gradskog vijeća, a ne ostalih institucija.

Amira Hadžić: "Nakon postavljenih pitanja prelazimo na usmene odgovore, ako ima neko da odgovori ili želi odgovor. Nema znači. Okej.

Prelazimo na izjašnjavanje po odgovorima na pitanja postavljenim da ranijim sjednicama. Gospodine Džindo, da li ste zadovoljni odgovorom Policijske stanice koji su Vam dostavljeni, imate li dopunskih pitanja?"

Asim Džindo: "Nemam dopunskih."

Amira Hadžić: "Da li ste zadovoljni, niste zadovoljni? Gospodine Šimšić, da li ste Vi zadovoljni?" (Izjašnjenje vijećnika Asima Džinde se ne čuje na audio zapisu!)

Igor Šimšić: „Da“.

Amira Hadžić: „Dobro, hvala.“

Predsjedavajuća konstatuje da se prelazi na izjašnjavanje po vijećničkim inicijativama sa ranijih sjednica

a) Inicijativa vijećnika Dževada Ikanovića za donošenje zaključaka vezanih za provođenje aktivnosti deminiranja na području Grada Zavidovići.

Predsjedavajuća čita Stav po inicijativi i pita Dževada Ikanovića da li želi izjašnjenje Vijeća. Dževad Ikanović traži izjašnjenje Vijeća.

Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Dževada Ikanovića za donošenje zaključaka vezanih za provođenje aktivnosti deminiranja na području Grada Zavidovići.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu civilne zaštite.

b) Inicijativa vijećnice Sanele Dendić za hitno uspostavljanje odvoza komunalnog otpada na lokaciji odmarališta — stadiona Ridžali — Džebe.

Predsjedavajuća čita Stav po inicijativi i pita Sanelu Dendić da li želi izjašnjenje Vijeća. Sanela Dendić traži izjašnjenje Vijeća.

Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnice Sanele Dendić za hitno uspostavljanje odvoza komunalnog otpada na lokaciji odmarališta – stadiona Ridžali – Džebe.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu poljoprivrede, vodoprivrede i komunalnih poslova.

c) Inicijativa vijećnice Amire Hadžić za proglašenje 5. Augusta Danom zavidovićke dijaspore.

Predsjedavajuća čita Stav po inicijativi, te istu povlači jer je Vijeće već donijelo Odluku na koju se Inicijativa odnosi.

d) Inicijativa vijećnika Asima Džinde za planiranje budžetskog transfera u 2026. godini s ciljem omogućavanja besplatne članarine u JU „Gradska biblioteka” Zavidovići za penzionere i studente.

Predsjedavajuća čita Stav po inicijativi, te istu daje na glasanje.

Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Asima Džinde za planiranje budžetskog transfera u 2026. godini, s ciljem omogućavanja besplatne članarine u JU „Gradska biblioteka” Zavidovići za penzionere i studente, s prijedlogom da Grad Zavidovići u Budžetu za 2026. godinu planira transfer od 5.000,00 KM za pokrivanje godišnjih članarina za prvih 300 korisnika (100 penzionera, 200 studenata).

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu društvenih djelatnosti, pitanja boraca i opću upravu i Služba za upravu finansija, budžet i trezor.

e) Inicijativa vijećnika Amira Tursića za izradu projektne dokumentacije za nastavak uređenja ulice „Voćarski put“, koje bi podrazumjevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješenje odvodnje oborinskih voda.

Predsjedavajuća čita Stav po inicijativi i pita Amira Tursića da li želi izjašnjenje Vijeća. Amir Tursić traži izjašnjenje Vijeća.

Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 23 glasa ZA, 0 glasova PROTIV, 4 glasa UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Amira Tursića za izradu projektne dokumentacije za nastavak uređenja ulice „Voćarski put“, koje bi podrazumjevalo

sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješenje odvodnje oborinskih voda.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

f) Inicijativa vijećnika Amira Tursića za izradu projektne dokumentacije za uređenje ulice „Gazije“, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

Predsjedavajuća čita Stav po inicijativi i pita Amira Tursića da li želi izjašnjenje Vijeća. Amir Tursić traži izjašnjenje Vijeća.

Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 22 glasa ZA, 0 glasova PROTIV, 5 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Amira Tursića za izradu projektne dokumentacije za uređenje ulice „Gazije“, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

g) Inicijativa vijećnika Sanela Jalmanovića za asfaltiranje ulice „Maršala Tita“ u Zavidovićima, u dužini od oko 200 metara, na potezu od Socijalnog prema Željezničkoj stanici.

Predsjedavajuća čita Stav po inicijativi.

Sanel Jalmanović povlači svoju Inicijativu.

Ad.2 Razmatranje inicijative Privrednog društva „Unipromex“ d.o.o. Zavidovići za izmjenu Odluke o bezbjednosti saobraćaja na području Grada Zavidovići.

Uvodno izlaganje: Džeraldina Miličević.

Rasprava: Šemsudin Skejić, Hasib Huskić.

Predsjedavajuća predlaže:

ZAKLJUČAK

1. Gradsko vijeće Zavidovići djelimično prihvata Inicijativu Privrednog društva „Unipromex“ d.o.o. Zavidovići, u dijelu koji se odnosi na obezbjeđenje adekvatnog režima saobraćaja.

2. Zadužuje se Gradonačelnica sa nadležnom Službom da realizuje predmetnu Inicijativu na način da se pristupi obilježavanju i postavljanju odgovarajuće horizontalne i vertikalne saobraćajne signalizacije, čime će se obezbijediti nesmetan i bezbjedan pristup dostavnom vozilu, uz poštivanje postojećih propisa o bezbjednosti saobraćaja.

Rok za realizaciju 60 dana.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

Predsjedavajuća otvara raspravu po Zaključku.

Rasprava po Zaključku: Zahid Avdičević, Džeraldina Miličević, Asim Džindo, Amira Hadžić, Haris Hodžić, Igor Šimšić, Amir Tursić, Hasib Huskić.

Hasib Huskić u ime Kluba traži pauzu 15 minuta.

(pauza 15 minuta)

Predsjedavajuća zatvara raspravu.

Predsjedavajuća daje Zaključak na glasanje.

Nakon provedenog glasanja predsjedavajuća konstatuje da je Zaključak sa 24 glasa ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići djelimično prihvata Inicijativu Privrednog društva „Unipromex“ d.o.o. Zavidovići, u dijelu koji se odnosi na obezbjeđenje adekvatnog režima saobraćaja.

2. Zadužuje se Gradonačelnica sa nadležnom Službom da realizuje predmetnu Inicijativu na način da se pristupi obilježavanju i postavljanju odgovarajuće horizontalne i vertikalne saobraćajne signalizacije, čime će se obezbijediti nesmetan i bezbjedan pristup dostavnom vozilu, uz poštivanje postojećih propisa o bezbjednosti saobraćaja.

Rok za realizaciju 60 dana.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

Ad.3 Izvjestaj o izvršenju Budžeta Grada Zavidovići za period 01.01. — 30.06.2025. godine — II kvartal sa Izvještajem o utrošku tekuće budžetske reserve.

Uvodno izlaganje: Midhat Bajramović.

Rasprava: Šemsudin Skejić, Haris Hodžić, Džeraldina Miličević, Nermin Čahtarević, Amira Tadić, Amer Avdičević, Zahid Avdičević, Amra Jupić, Hasib Huskić, Amira Hadžić, Amir Tursić.

Predsjedavajuća daje pauzu 15 minuta.

(pauza 15 minuta)

Nastavak rada.

Zahid Avdičević traži pauzu 15 minuta u ime Kluba.

(pauza 15 minuta)

Nastavak rada.

Predsjedavajuća zatvara raspravu, te daje Izvještaj na glasanje.

Nakon provedenog glasanja predsjedavajuća konstatuje da je Izvještaj sa 20 glasova ZA, 7 glasova PROTIV, 1 glas UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Izvještaj o izvršenju Budžeta Grada Zavidovići za period 01.01.-30.06.2025. godine - II kvartal sa Izvještajem o utrošku tekuće budžetske rezerve.

2. Izvještaj o izvršenju Budžeta Grada Zavidovići za period 01.01.-30.06.2025. godine - II kvartal sa Izvještajem o utrošku tekuće budžetske rezerve, objaviti u „Službenom glasniku Grada Zavidovići“.

3. Zaključak stupa na snagu danom donošenja.

Ad.4 Nacrt Odluke o usvajanju Regulacionog plana „Kamenica“ Zavidovići.

Uvodno izlaganje: Remzo Sinanović, Maja Radmanović.

Rasprava: Bez učesnika u raspravi.

Predsjedavajuća predlaže:

ZAKLJUČAK

1. Gradsko vijeće Zavidovići prihvata Nacrt Odluke o usvajanju Regulacionog plana „Kamenica“ Zavidovići.

2. Nacrt Odluke o usvajanju Regulacionog plana „Kamenica“ Zavidovići, upućuje se na javnu raspravu, koja će se održati u Velikoj sali gradskih ograna Grada Zavidovići, a čiji termin održavanja će utvrditi Služba za upravu geodetskih, imovinskopравnih poslova i urbanizma.

3. Zadužuje se Služba za upravu geodetskih, imovinskopравnih poslova i urbanizma da u periodu od 30 dana organizuje provođenje javne rasprave i javnog uvida, putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija, u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Služba za upravu geodetskih, imovinskopравnih poslova i urbanizma dužna je podnijeti izvještaj Gradonačelnici i Gradskom vijeću.

5. Gradonačelnica će prilikom utvrđivanja Prijedloga Odluke o usvajanju izmjena i dopuna Regulacionog plana „Kamenica“ Zavidovići, uzeti u obzir primjedbe i mišljenja sadržane u Izvještaju Službe za upravu geodetskih, imovinskopравnih poslova i urbanizma, kao i mišljenja i prijedloge iznesene tokom pretresa na sjednici Gradskog vijeća, te će obrazložiti razloge zbog kojih eventualno nije prihvatila pojedine prijedloge i mišljenja koji su izneseni u javnoj raspravi.

6. O realizaciji ovog Zaključka starat će se Služba za upravu geodetskih, imovinskopравnih poslova i urbanizma i Stručna služba Gradskog vijeća.

Predsjedavajuća otvara raspravu po Zaključku.

Rasprava po Zaključku: Bez učesnika u raspravi.

Predsjedavajuća zatvara raspravu, te daje Zaključak na glasanje.

Nakon provedenog glasanja predsjedavajuća konstatuje da je Zaključak sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Ad.5 Nacrt Odluke o provođenju Regulacionog plana „Kamenica“ Zavidovići.

Uvodno izlaganje: Bez uvodnog izlaganja.

Rasprava: Šemsudin Skejić, Remzo Sinanović.

Predsjedavajuća zatvara raspravu, te daje Zaključak na glasanje.

ZAKLJUČAK

1. Gradsko vijeće Zavidovići prihvata Nacrt Odluke o provođenju Regulacionog plana „Kamenica“ Zavidovići.

2. Nacrt Odluke o provođenju Regulacionog plana „Kamenica“ Zavidovići, upućuje se na javnu raspravu, koja će se održati u Velikoj sali gradskih organa Grada Zavidovići, a čiji termin održavanja će utvrditi Služba za upravu geodetskih, imovinskopравnih poslova i urbanizma.

3. Zadužuje se Služba za upravu geodetskih, imovinskopравnih poslova i urbanizma da u periodu od 30 dana organizuje provođenje javne rasprave i javnog uvida, putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija, u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Služba za upravu geodetskih, imovinskopравnih poslova i urbanizma dužna je podnijeti izvještaj Gradonačelnici i Gradskom vijeću.

5. Gradonačelnica će prilikom utvrđivanja Prijedloga Odluke o izmjenama i dopunama Odluke o provođenju Regulacionog plana „Kamenica“ Zavidovići, uzeti u obzir primjedbe i mišljenja sadržane u Izvještaju Službe za upravu geodetskih, imovinskopравnih poslova i urbanizma, kao i mišljenja i prijedloge iznesene tokom pretresa na sjednici Gradskog vijeća, te će obrazložiti razloge zbog kojih eventualno nije prihvatila pojedine prijedloge i mišljenja koji su izneseni u javnoj raspravi.

6. O realizaciji ovog Zaključka starat će se Služba za upravu geodetskih, imovinskopравnih poslova i urbanizma i Stručna služba Gradskog vijeća.

Predsjedavajuća otvara raspravu po Zaključku.

Rasprava po Zaključku: Bez učesnika u raspravi.

Nakon provedenog glasanja predsjedavajuća konstatuje da je Zaključak sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Zahid Avdičević traži u ime Kluba pauzu od sat vremena.

Predsjedavajuća daje Vijeću na izjašnjenje Prijedlog pauze Zahida Avdičevića.

Nakon provedenog glasanja predsjedavajuća konstatuje da Prijedlog Zahida Avdičevića sa 7 glasova ZA, 2 glasa PROTIV, 10 glasova UZDRŽANO, nije dobio potrebnu većinu te isti nije usvojen.

Demir Buljubašić u ime Kluba NES-a traži pauzu od 40 minuta.

Predsjedavajuća daje Vijeću na izjašnjenje Prijedlog pauze Demira Buljubašića.

Nakon provedenog glasanja predsjedavajuća konstatuje da je Prijedlog Demira Buljubašića sa 16 glasova ZA, 1 glasom PROTIV, 3 glasa UZDRŽANO, dobio potrebnu većinu te je isti usvojen.

(pauza 40 minuta)

Ad.6 Prijedlog Odluke o izmjenama i dopunama Odluke o pristupanju izradi Urbanističkog plana Grada Zavidovići.

Predsjedavajuća upoznaje Vijeće da je tačka predviđena da se raspravlja po skraćenom postupku.

Predsjedavajuća otvara raspravu o skraćenom postupku.

Rasprava o skraćenom postupku: Bez učesnika u raspravi.

Predsjedavajuća pita Vijeće da li prihvataju da se tačka raspravlja po skraćenom postupku.

Nakon provedenog glasanja predsjedavajuća konstatuje da je Prijedlog sa 21 glasom ZA, 0 glasova PROTIV, 0 glasova UZDRŽANO, dobio potrebnu većinu te će se predmetna tačka raspravljati po skraćenom postupku.

ZAKLJUČAK

1. Gradsko vijeće Zavidovići prihvata da se Prijedlog Odluke o izmjenama i dopunama Odluke o pristupanju izradi Urbanističkog plana Grada Zavidovići, raspravlja po skraćenom postupku bez Nacrta.

2. Zaključak stupa na snagu danom donošenja.

Uvodno izlaganje: Remzo Sinanović

Rasprava: Šemsudin Skejić, Remzo Sinanović.

Šemsudin Skejić predlaže Zaključak: „Da se Vijeće redovno informiše o dinamici izrade Urbanističkog plana.”

Predsjedavajuća zaključuje raspravu.

Predsjedavajuća daje Prijedlog Zaključka Šemsudina Skejića na glasanje.

Nakon provedenog glasanja predsjedavajuća konstatuje da je Prijedlog sa 28 glasom ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići obavezuje nosioca pripreme Urbanističkog plana Grada Zavidovići da Gradskom vijeću dostavlja tromjesečne izvještaje o dinamici izrade Urbanističkog plana Grada Zavidovići.

2. Gradsko vijeće Zavidovići će izvještaje iz tačke 1) ovog Zaključka razmatrati na sjednicama Vijeća i to:

- decembar 2025. godine ili januar 2026. godine;
- mart 2026. godine ili april 2026. godine;
- juni 2026. godine ili juli 2026. godine;
- septembar 2026. godine ili oktobar 2026. godine.

3. Zaključak stupa na snagu danom donošenja, a o njegovoj realizaciji start će se Služba za upravu geodetskih, imovinskopravnih poslova i urbanizma.

Predsjedavajuća daje Prijedlog Odluke o izmjenama i dopunama Odluke o pristupanju izradi Urbanističkog plana Grada Zavidovići, na glasanje.

Nakon provedenog glasanja predsjedavajuća konstatuje da je Prijedlog Odluke o izmjenama i dopunama Odluke o pristupanju izradi Urbanističkog plana Grada Zavidovići sa 28 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Ad.7 Prijedlog Odluke o utvrđivanju javnog interesa za izgradnju novog cestovnog mosta na lokaciji starog čeličnog visećeg mosta u naselju „Stog” preko rijeke Krivaje označen sa k.č. 1377 k.o. Hrge i k.č. 1865/1 k.o. Miljevići, na području MZ „Vozuća”.

Uvodno izlaganje: Remzo Sinanović.

Rasprava: Amir Tursić, Amira Hadžić, Remzo Sinanović, Nermin Čahtarević, Hasib Huskić, Haris Hodžić, Semir Šehić, Zahid Avdičević, Šemsudin Skejić, Amir Mehić.

Predsjedavajuća daje Prijedlog Odluke na glasanje.

Nakon provedenog glasanja predsjedavajuća konstatuje da je Prijedlog Odluke sa 29 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Ad.8 Prijedlog Odluke o izmjenama Odluke o priznanjima općine Zavidovići.

Predsjedavajuća upoznaje Vijeće da je tačka predviđena da se raspravlja po skraćenom postupku.

Predsjedavajuća otvara raspravu o skraćenom postupku.

Rasprava o skraćenom postupku: Bez učesnika u raspravi.

Predsjedavajuća pita Vijeće da li prihvataju da se tačka raspravlja po skraćenom postupku.

Nakon provedenog glasanja predsjedavajuća konstatuje da je Vijeće sa 21 glasom ZA, 0 glasova PROTIV, 0 glasova UZDRŽANO, prihvatilo da se predmetna tačka raspravlja po skraćenom postupku.

ZAKLJUČAK

1. Gradsko vijeće Zavidovići prihvata da Prijedlog Odluke o izmjenama Odluke o priznanjima općine Zavidovići, raspravlja po skraćenom postupku bez Nacrta.

2. Zaključak stupa na snagu danom donošenja.

Uvodno izlaganje: Bez uvodnog izlaganja.

Rasprava: Haris Hodžić, Samira Pinjić.

Predsjedavajuća daje Prijedlog Odluke o izmjenama Odluke o priznanjima općine Zavidovići na glasanje.

Nakon provedenog glasanja predsjedavajuća konstatuje da je Prijedlog Odluke o izmjenama Odluke o priznanjima općine Zavidovići sa 29 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Ad.9 Prijedlog Odluke o prestanku mandata i dodjeli mandata slijedećem kvalifikovanom kandidatu za člana Savjeta mjesne zajednice „Klek”.

Uvodno izlaganje: Jasmin Mahmutović.

Rasprava: Amir Mehić, Samira Pinjić, Semir Šehić, Zahid Avdičević, Jasmin Mahmutović.

Predsjedavajuća daje Prijedlog Odluke o prestanku mandata i dodjeli mandata slijedećem kvalifikovanom kandidatu za člana Savjeta mjesne zajednice „Klek” na glasanje.

Nakon provedenog glasanja predsjedavajuća konstatuje da je Prijedlog Odluke o prestanku mandata i dodjeli mandata slijedećem kvalifikovanom kandidatu za člana Savjeta mjesne zajednice „Klek” sa 24 glasa ZA, 0 glasova PROTIV, 2 glasa UZDRŽANO, dobio potrebnu većinu te je isti usvojen.

Ad.10 Izvještaj o radu i finansijskom poslovanju lokalne Razvojne agencije RAZ d.o.o. Zavidovići i Nadzornog odbora RAZ d.o.o. Zavidovići za 2024. godinu.

Uvodno izlaganje: Ajdin Polić.

Rasprava: Bez učesnika u raspravi.

Demir Buljubašić u ime Kluba traži pauzu 5 minuta.

(pauza 5 minuta)

Predsjedavajuća daje Izvještaj o radu i finansijskom poslovanju lokalne Razvojne agencije RAZ d.o.o. Zavidovići i Nadzornog odbora RAZ d.o.o. Zavidovići za 2024. godinu na glasanje.

Nakon provedenog glasanja predsjedavajuća konstatuje da Izvještaj o radu i finansijskom poslovanju lokalne Razvojne agencije RAZ d.o.o. Zavidovići i Nadzornog odbora RAZ d.o.o. Zavidovići za 2024. godinu sa 8 glasova ZA, 11 glasova PROTIV, 7 glasova UZDRŽANO, nije dobio potrebnu većinu te isti nije usvojen.

ZAKLJUČAK

1. Gradsko vijeće Zavidovići odbija Izvještaj o radu i finansijskom poslovanju lokalne Razvojne agencije RAZ d.o.o. Zavidovići i Nadzornog odbora RAZ d.o.o. Zavidovići za 2024. godinu.

2. Zaključak stupa na snagu danom donošenja.

Ad.11 Izvještaj o realizaciji Programa rada Gradskog vijeća Zavidovići za peiod 01.01. - 30.06.2025. godine.

Uvodno izlaganje: Samira Pinjić.

Rasprava: Igor Šimšić, Semir Šehić, Amra Jupić.

Predsjedavajuća daje Izvještaj o realizaciji Programa rada Gradskog vijeća Zavidovići za peiod 01.01. - 30.06.2025. godine na glasanje.

Nakon provedenog glasanja predsjedavajuća konstatuje da je Izvještaj sa 23 glasa ZA, 3 glasa PROTIV, 2 glasa UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Izvještaj o realizaciji Programa rada Gradskog vijeća Zavidovići za period 01.01. - 30.06.2025. godine, sa prijedlogom mjera:

- ubrzati aktivnosti na uvođenju informacionog sistema namijenjenog za pripremu i održavanje sjednica Gradskog vijeća i radnih tijela Vijeća i provođenju obuke po istom, u skladu sa planiranim sredstvima u Budžetu Grada Zavidovići za 2025. godinu;

- izvršiti popunu upražnjenih radnih mjesta u Stručnoj službi Gradskog vijeća (dva državna službenika i jedan namještenik), u skladu sa Pravilnikom o unutrašnjoj organizaciji Stručne službe Gradskog vijeća („Službeni glasnik Općine Zavidovići“, broj: 11/2017 - prečišćeni tekst, 8/18) i („Službeni glasnik Grada Zavidovići“, broj: 7/23), i to:

- Stručni saradnik za informatiku, poslove Gradskog vijeća i radnih tijela Gradskog vijeća;
- Viši stručni saradnik za poslove Gradskog vijeća i radnih tijela;
- Viši referent za administraciju i opće poslove Gradskog vijeća i radnih tijela.

2. Zadužuje se Komisija za Statut i propise da pripremi izmjene i dopune člana 171.a Poslovnika o radu Gradskog vijeća Zavidovići – prečišćeni tekst („Službeni glasnik Grada Zavidovići“, broj: 7/22 i 1/23), na način da se Vijeće ne izjašnjava po vijećničkim inicijativama.

3. Zaključak stupa na snagu danom donošenja, a o njegovoj realizaciji starat će se Stručna služba Gradskog vijeća i Stručna služba gradonačelnika.

Ad.12 Izvještaj o radu komisija Gradskog vijeća Zavidovići za period 01.01. - 30.06.2025. godine.

Uvodno izlaganje: Bez uvodnog izlaganja.

Rasprava: Admir Fojnica, Hasib Huskić, Zahid Avdičević, Haris Hodžić, Amira Hadžić, Amra Jupić, Samira Pinjić.

Kroz raspravu prijedloženi su zaključci:

Vijećnik Admir Fojnica: „Predlažem da se kao i za mjesne zajednice, i za komisije se izjašnjavamo pojedinačno jer ne zaslužuju svi da im izvještaji budu oboreni.“

Vijećnik Haris Hodžić: „Predlažem da tačku vratimo na doradu i da tačku stavimo na početak dnevnog reda kako bi izvjestioci bili prisutni.“

Predsjedavajuća Amira Hadžić: „...ja predlažem svojevrsni spoj zaključaka kolega prije mene, da tačku vratimo na doradu i da o svakoj komisiji glasamo poimenično.“

Predsjedavajuća daje prijedlog Harisa Hodžića na glasanje.

Nakon provedenog glasanja predsjedavajuća konstatuje da prijedlog Harisa Hodžića sa 13 glasova ZA, 0 glasova PROTIV, 14 glasova UZDRŽANO, nije dobio potrebnu većinu te isti nije usvojen.

Predsjedavajuća daje prijedlog Admira Fojnice na glasanje.

Nakon provedenog glasanja predsjedavajuća konstatuje da prijedlog Admira Fojnice sa 6 glasova ZA, 0 glasova PROTIV, 17 glasova UZDRŽANO, nije dobio potrebnu većinu te isti nije usvojen.

Predsjedavajuća daje na glasanje svoj prijedlog.

Nakon provedenog glasanja predsjedavajuća konstatuje da prijedlog sa 14 glasova ZA, 1 glas PROTIV, 8 glasova UZDRŽANO, nije dobio potrebnu većinu te isti nije usvojen.

Predsjedavajuća daje Izvještaj o radu komisija Gradskog vijeća Zavidovići za period 01.01. - 30.06.2025. godine na glasanje.

Nakon provedenog glasanja predsjedavajuća konstatuje da Izvještaj sa 12 glasova ZA, 14 glasova PROTIV, 1 glas UZDRŽANO, nije dobio potrebnu većinu te isti nije usvojen.

Z A K L J U Č A K

1. Gradsko vijeće Zavidovići odbija Izvještaj o radu Komisija Gradskog vijeća Zavidovići za period 01.01. – 30.06.2025. godine.

2. Zaključak stupa na snagu danom donošenja.

Ad.13 Prijedlog Rješenja za imenovanje predsjednika i članova Komisije za organizaciju i provođenje izbora za članove Savjeta mjesne zajednice.

Uvodno izlaganje: Admir Fojnica.

U skladu sa članom 156. stav (2) Poslovnika o radu Gradskog vijeća Zavidovići – novi prečišćeni tekst, Komisija za izbor i imenovanja je utvrdila Prijedlog Rješenja o imenovanju Komisije za organizaciju i provođenje izbora za članove Savjeta mjesne zajednice, u sastavu:

1. Edib Muhić, predsjednik,
2. Jasmin Hasić, zamjenik predsjednika,
3. Emin Mujić, član,
4. Edin Pekmić, član,
5. Hajrudin Marušić, član.

Rasprava: Hasib Huskić, Zahid Avdičević, Samira Pinjić, Haris Hodžić, Igor Šimšić, Amira Hadžić, Admir Fojnica, Šemsudin Skejić, Amra Jupiće.

Hasib Huskić u ime Kluba SDA traži pauzu od 10 minuta.

(pauza 10 minuta)

Haris Hodžić u ime Kluba SDP traži pauzu od 15 minuta.

(pauza 15 minuta)

Haris Hodžić - poslovnička intervencija: "...Klub vijećnika SDP-a će demonstrativno napustiti sjednicu zbog kršenja Poslovnika..."

Klub vijećnika SDP-a napušta sjednicu u 23:06 sati.

Amra Jupiće u ime Kluba SN-a traži pauzu 15 minuta.

(pauza 15 minuta)

Nakon napuštanja sjednice od Kluba vijećnika SDP-a i Kluba vijećnika SN-a, izvršena je prozivka vijećnika, te je utvrđeno da sjednici prisustvuje 17 vijećnika i da su ispunjeni uslovi za daljnji rad Gradskog vijeća.

Vijećnik Hasib Huskić predlaže da se umjesto Jasmina Hasića za zamjenika predsjednika Komisije imenuje Jasmin Turković.

Vijećnik Demir Buljubašić predlaže da se umjesto Emina Mujića za člana Komisije imenuje Alma Šibonjić.

Predsjedavajuća daje prijedlog vijećnika Hasiba Huskića da se umjesto Jasmina Hasića za zamjenika predsjednika Komisije imenuje Jasmin Turković, na glasanje.

Nakon provedenog glasanja predsjedavajuća konstatuje da je Prijedlog sa 15 glasova ZA, 2 glasa PROTIV, 0 glasova UZDRŽANO, dobio potrebnu većinu te je isti usvojen.

Predsjedavajuća daje prijedlog Demir Buljubašić da se umjesto Emina Mujića za člana Komisije imenuje Alma Šibonjić, na glasanje.

Nakon provedenog glasanja predsjedavajuća konstatuje da je Prijedlog sa 15 glasova ZA, 2 glasa PROTIV, 0 glasova UZDRŽANO, dobio potrebnu većinu te je isti usvojen.

Predsjedavajuća u skladu sa članom 156. stav (2) Poslovnika o radu Gradskog vijeća Zavidovići – novi prečišćeni tekst, Vijeću predlaže listu u sastavu:

Edib Muhić – predsjednik,

Jasmin Turković – zamjenik predsjednika,

Alma Šibonjić – član,

Eldin Pekmić – član,

Hajrudin Marušić – član, te listu daje na glasanje.

Nakon provedenog glasanja predsjedavajuća konstatuje da je Prijedlog liste sa 15 glasova ZA, 2 glasa PROTIV, 0 glasova UZDRŽANO, dobio potrebnu većinu te je isti usvojen.

Predsjedavajuća daje Prijedlog Rješenja o imenovanju predsjednika i članova Komisije za organizaciju i provođenje izbora za članove Savjeta mjesne zajednice na glasanje.

Nakon provedenog glasanja predsjedavajuća konstatuje da je Prijedlog Rješenja o imenovanju predsjednika i članova Komisije za organizaciju i provođenje izbora za članove Savjeta mjesne zajednice sa 15 glasova ZA, 2 glasa PROTIV, 0 glasova UZDRŽANO, dobio potrebnu većinu te je isti usvojen.

Ad.14 Prijedlog Rješenja o razrješenju člana Komisije za Statut i propise.

Uvodno izlaganje: Bez uvodnog izlaganja.

Rasprava: Bez rasprave.

Predsjedavajuća daje Prijedlog Rješenja o razrješenju Ernada Joldića člana Komisije za Statut i propise na glasanje.

Nakon provedenog glasanja predsjedavajuća konstatuje da je Prijedlog Rješenja o razrješenju Ernada Joldića člana Komisije za Statut i propise sa 17 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Ad.15 Prijedlog Rješenja o imenovanju člana Komisije za Statut i propise.

Uvodno izlaganje: Bez uvodnog izlaganja.

Rasprava: Bez rasprave.

Predsjedavajuća daje Prijedlog Rješenja o imenovanju Dževada Mujčinovića za člana Komisije za Statut i propise na glasanje.

Nakon provedenog glasanja predsjedavajuća konstatuje da Prijedlog Rješenja o imenovanju Dževada Mujčinovića za člana Komisije za Statut i propise sa 3 glasa ZA, 14 glasova PROTIV, 0 glasova UZDRŽANO, nije dobio potrebnu većinu te isti nije usvojen.

ZAKLJUČAK

1. Gradsko vijeće Zavidovići odbija Prijedlog Rješenja o imenovanju člana Komisije za Statut i propise, broj: 01-04-1256/25-AP-8 od 22.09.2025. godine.

2. Gradsko vijeće Zavidovići zadužuje Komisiju za izbor i imenovanja da ponovi izborni postupak za člana Komisije za Statut i propise.

3. Zaključak stupa na snagu danom donošenja.
Sjednica zaključena u 23:29 sati.

ZAPISNIK SAČINIO

dipl. iur. Dženan Čatić

OVJERAVA

SEKRETAR GV- a

Samira Pinjić, dipl. pravnik

PREDSJEDAVAJUĆA

GRADSKOG VIJEĆA

Amira dr Hadžić, spec. radiolog